

Broj: 101-4.583/16 BS *Beograd*
Zenica, 15.03.2016. godine

Na osnovu člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), Pravilnika o postupku dodjele ugovora o uslugama iz Aneksa II Dio B („Službeni glasnik BiH“, br. 104/14) i na Preporuku Komisije za nabavku broj: 716-4.580/16 HH od 15.03.2016. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu ugovora za javnu nabavku broj: 716-4.581/16 BS od 15.03.2016. godine u postupku dodjele ugovora za nabavku ugostiteljskih usluga povodom proslave Dana preduzeća 22. marta, i prihvata se preporuka Komisije za nabavke da se ugovor zaključi sa ponuđačem:

DUBROVNIK d.o.o. Zenica

kao najbolje ocijenjenom ponuđaču

prema ponudi broj: 716-4.577/16 od 14.03.2016. godine, za ponuđenu cijenu, bez uračunatog PDV-a, sa uračunatim popustom u visini od 25 % u iznosu od 2.871,75 KM.

II

Prijedlog ugovora dostavit će se na potpis izabranom ponuđaču DUBROVNIK d.o.o. Zenica, nakon isteka roka od 5 dana, računajući od dana kada su svi ponuđači obaviješteni o izboru najpovoljnije ponude.

III

Za izvršenje ove odluke zadužuje se Komisija za nabavke.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka će se objaviti na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-4.050/16 HK od 03.03.2016. godine.

Komisija za nabavku imenovana je Odlukom broj: 101- 197 /16 MS od 11.01.2016. godine.

Javna nabavka je provedena putem Aneksa II, Dio B Zakona o javnim nabavkama, sa jednokratnim izvršenjem predmetne usluge. Procijenjena vrijednost javne nabavke bez uračunatog PDV-a je 3.000,00 KM.

2. Dana 03.03.2016. godine na web stranici JP „Vodovod i kanalizacija“ d.o.o. Zenica objavljena je tenderska dokumentacija broj: 713-4.050-1/16 BS od 03.03.2016. godine.

Tenderske dokumentacije broj: 713-4.050-1/15 HK od 03.03.2016. godine je upućena sljedećim ponuđačima:

1. TAPAS d.o.o. Zenica,
2. Dom penzionera JU Zenica,
3. Željezara „Zenica“ d.o.o. Zenica,
4. DUBROVNIK d.o.o. Zenica,
5. Džananović d.o.o. Zenica.

3. Rok za dostavljanje ponuda je bio 09.03.2016. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljeno je pet ponuda u zatvorenoj koverti, i to:

1. Džananović d.o.o. Zenica,
2. Željezara „Zenica“ d.o.o. Zenica,
3. DUBROVNIK d.o.o. Zenica,
4. Dom penzionera JU Zenica,
5. TAPAS d.o.o. Zenica.

Dana 09.03.2016. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji. Komisija je izvršila i provjeru računske ispravnosti ponuda.

Uvidom u priloženu dokumentaciju, za nabavku ugostiteljskih usluga (Aneks II, Dio B ZJN) broj: 713-4.050-1/16 HK i ocjene prispjelih ponuda, Komisija je na osnovu člana člana 10. Pravilnika o postupku dodjele ugovora o uslugama iz Aneksa II Dio B („Službeni glasnik BiH“, br. 104/14) uputila poziv za pregovaranje broj: 716-4.373/16 BS od 09.03.2016. godine, svim ponuđačima koji su blagovremeno dostavili svoje ponude.

Proces pregovaranja je izvršen dana 10.03.2016. godine u prostorijama JP „Vodovod i kanalizacija“ d.o.o. Zenica u periodu od 13,00 do 14,15 sati. Redosljed ponuđača za pregovore je izvršen na osnovu žrijeba, i to:

1. JU Penzionerski dom sa stacionarom ZDK, sa početkom u 13,00 sati,
2. Džananović d.o.o. – Hotel „Zenica“, sa početkom u 13,15 sati,
3. Tapas d.o.o. Zenica, sa početkom u 13,30 sati,
4. Željezara „Zenica“ d.o.o. Zenica, sa početkom u 13,45 sati,
5. Dubrovnik d.o.o. Zenica, sa početkom u 14,00 sati.

Prije procesa pregovaranja, Komisija je izvijestila ponuđače da je došlo do neusaglašenosti Aneksa 1 – Obrazac za cijenu ponude, tako da su ponuđači: Tapas d.o.o. Zenica i Željezara „Zenica“ d.o.o. Zenica dostavili ponude na obrascu koji sadrži veću količinu napitaka.

Komisija je svim ponuđačima uputila dva pitanja i to:

1. Da li ponuđač dozvoljava da Ugovorni organ u pogledu kriterija (stavka 9) izvrši provjeru minimalne temperature sale 21°C, na dan 11.03.2016. godine u periodu od 11,00 do 14,00 sati?
2. Da li je cijena u dostavljenoj ponudi fiksna, te ukoliko je ponuđač spreman ponuditi nižu cijenu da li će eventualno smanjenje cijene uticati na kvalitet ponude?

Ponuđač Tapas d.o.o. Zenica, nije došao na proces pregovaranja. Budući da ponuda navedenog ponuđača prelazi procijenjenu vrijednost nabavke (3.000,00 KM bez obračunatog PDV – a) i da isti nije učestvovao u procesu pregovaranja, ponuda navedenog ponuđača se odbija na osnovu člana 68. tačka (i) i (j) Zakona o javnim nabavkama.

Na prvo postavljeno pitanje svi ponuđači su odobrili provjeru minimalne temperature sale 21 °C, na dan 11.03.2016. godine u periodu od 11,00 do 14,00 sati.

Na drugo postavljeno pitanje, ponuđači osim JU Penzionerski dom sa stacionarom ZDK, su odgovorili da cijene nisu fiksne i da smanjenje istih neće uticati na kvalitet ponude.

Dana 11.03.2016. godine, u periodu od 11,00 do 14,00 sati, Komisija je izvršila provjeru minimalne temperature sale 21°C. Provjera iste je izvršena putem termometra, identifikacioni broj: 546031, odobren od strane akreditovane institucije, Lotrič d.o.o., Certifikat o kalibraciji broj: 250-402-14-1 od 16.07.2014. godine.

Provjerom je utvrđeno da svi ponuđači imaju minimalnu temperaturu sale od 21 °C.

Nakon izvršene provjere, ponuđačima je dostavljen poziv za dostavu konačne ponude za nabavku ugostiteljskih usluga povodom proslave Dana preduzeća 22. marta broj: 716-4.374/16 BS od 10.03.2016. godine.

Dana 14.03.2016. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji. Komisija je izvršila i provjeru računske ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-4.581/16 BS od 15.03.2016. godine, u kojem je konstatovano da je Komisija, uvidom u priloženu dokumentaciju i suštinskom provjerom sadržaja i validnosti dokumentacije, utvrdila sljedeće:

1. Džananović d.o.o. – Hotel „Zenica“ je dostavio ponudu u vrijednosti od 3.144,00 KM bez PDV-a, koja prelazi procijenjenu vrijednost nabavke od 3.000,00 KM bez PDV-a. Zbog predhodno navedenog, ponuda ponuđača se odbija na osnovu člana 68. stav 4 tačka (j) Zakona o javnim nabavkama.

2. Željezara „Zenica“ d.o.o. Zenica je dostavio ponudu koja nije čvrsto uvezana, u skladu sa članom 4. Priprema ponude, Nabavka ugostiteljskih usluga (Aneks II, Dio B ZJN) broj: 713-4.050-1/16 BS od 03.03.2016. godine i člana 8. stav 2. i 3. Uputstva za pripremu modela tenderske dokumentacije i ponuda (Službeni glasnik BiH broj 90/14). Zbog predhodno navedenog, ponuda ponuđača se odbija na osnovu člana 68. stav 4 tačka (i) Zakona o javnim nabavkama.

3. JU Penzionerski dom sa stacionarom Zenica je dostavio ponudu koja nije čvrsto uvezana, u skladu sa članom 4. Priprema ponude, Nabavka ugostiteljskih usluga (Aneks II, Dio B ZJN) broj: 713-4.050-1/16 BS od 03.03.2016. godine i člana 8. stav 2. i 3. Uputstva za pripremu modela tenderske dokumentacije i ponuda (Službeni glasnik BiH broj 90/14). Također, u Aneksu 1 – Obrazac za cijenu ponude ponuđač nije slovima ispisao vrijednost ponude. Zbog predhodno navedenog, ponuda ponuđača se odbija na osnovu člana 68. stav 4 tačka (i) i (j) Zakona o javnim nabavkama.

4. Ponuđač DUBROVNIK d.o.o. Zenica je dostavio formalno-pravno i tehnički zadovoljavajuću ponudu te je ista prihvatljiva za ugovorni organ i može biti predmet ocjene shodno utvrđenom kriteriju.

Komisija za nabavku je dana 15.03.2016. godine direktoru preduzeća dostavila Zapisnik o ocjeni ponuda broj: 716-4.581/16 BS od 15.03.2016. godine i preporuku o izboru najpovoljnijeg ponuđača broj: 716-4.580/16 BS od 15.03.2016. godine, u postupku javne nabavke ugostiteljskih usluga povodom proslave Dana preduzeća 22. marta.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda, proces pregovaranja i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da su u procesu pregovaranja učestvovala 4 (četiri) ponuđača,
- da je provjera minimalne temperature izvršena u 4 (četiri) sale navedenih ponuđača,
- da su blagovremeno zaprimljene 4 (četiri) konačne ponude,
- da nema neblagovremeno zaprimljenih ponuda,

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije i postupku pregovaranja.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „**najniža cijena**“, Komisija izvršila ocjenu prihvatljivih ponuda odnosno utvrdila rang listu prihvatljivih ponuda/ponuđača kako slijedi:

1. DUBROVNIK d.o.o. Zenica, sa ukupnom cijenom ponude sa uračunatim popustom u visini od 25 % od 2.871,75 KM, bez uračunatog PDV - a

Iz navedenih razloga, primjenom člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DOSTAVLJENO:

- 1 x Direktor preduzeća
- 1 x Pom.dir.za ekon.posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



Direktor:

Karim Ekrem, dipl.ing.maš.